

CYNGOR SIR YNYS MÔN	
Adroddiad i:	Pwyllgor Gwaith
Dyddiad:	18 Mehefin 2018
Pwnc:	Moderneiddio Ysgolion ar Ynys Môn –Symud dyddiad gweithredu'r rhybuddion statudol ar gyfer Ysgol Santes Dwynwen, Ysgol Parc y Bont ac Ysgol Brynsiencyn
Aelod(au) Portffolio:	Y Cyngorydd R. Meirion Jones
Pennaeth Gwasanaeth:	Arwyn Williams
Awdur yr Adroddiad: Rhif Ffôn: E-bost:	Emrys Bebb
Aelodau Lleol:	Y Cyngorydd Dafydd Roberts Y Cyngorydd Eric W. Jones Y Cyngorydd Peter Rogers Y Cyngorydd Bryan Owen

A – Argymhelliad/Argymhellion a Rheswm/Rhesymau
<p>Rhesymau: Er mwyn cydymffurfio â'r Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, cyhoeddodd yr Awdurdod ynghyd ag Esgobaeth Bangor (Yr Eglwys yng Nghymru) ddau Rybudd Statudol o'u bwriad i:</p> <ol style="list-style-type: none"> 1. gyfuno pedair ysgol - Ysgol Bodorgan, Ysgol Dwyran, Ysgol Llangaffo ac Ysgol Niwbwrch - mewn un ysgol newydd ar safle yn Niwbwrch ac i'r ysgol newydd fod yn ysgol dan reolaeth wirfoddol yr Eglwys yng Nghymru. 2. beidio â chefnogi Ysgol Parc y Bont fel ysgol dan reolaeth gwirfoddol yr Eglwys yng Nghymru ac i sefydlu ysgol gynradd gymunedol cyfrwng Cymraeg newydd i'w chynnal gan Gyngor Sir Ynys Môn ar gyfer bechgyn a merched 3-11 oed ac i ffedereiddio Ysgol Brynsiencyn gydag ysgol arall. <p>Cyhoeddwyd y Rhybuddion Statudol ar 17 Mehefin 2016 ac roedd cyfnod o 28 diwrnod i wrthwynebu'r cynigion yn dilyn a daeth y cyfnod gwrthwynebu i ben ar 15 Gorffennaf, 2016. Derbyniwyd un gwrthwynebiad i gynnig 1 uchod i adeiladu ysgol gynradd newydd dan reolaeth wirfoddol yr Eglwys yng Nghymru. Paratowyd adroddiad ar y gwrthwynebiad a penderfynodd y Pwyllgor Gwaith yn ei gyfarfod ar 19 Medi 2016 i gymeradwyo'r cynnig gwreiddiol. Ers hynny, penderfynodd Corff Llywodraethu Cysgodol yr ysgol gynradd newydd ei henwi'n Ysgol Santes Dwynwen.</p> <p>Er hynny, dyddiad gweithredu'r cynigion oedd 1 Medi 2018. Mae nifer o ffactorau wedi gwrthio dyddiad cychwyn y ddau gynnig yn ôl am y rhesymau canlynol:</p> <ol style="list-style-type: none"> a. Bu'r boses pryniant tir yn hirach na'r disgwyl b. Bu'r broses o gael caniatâd cynllunio hefyd yn hirach na'r disgwyl ac ni chafwyd caniatâd cynllunio tan 5 Gorffennaf 2017. c. Ychwanegodd Etholiad Cyngor Sir Ynys Môn ar 4 Mai 2017 6 wythnos at y broses oherwydd y cyfnod cyn etholiadol ch. Ychwanegodd yr Etholiad Cyffredinol ar 8 Mehefin 2017 6 wythnos arall i'r broses oherwydd y cyfnod cyn etholiadol d. Mae'r Awdurdod hefyd wedi dysgu o'r profiadau wrth agor Ysgol Rhyd Y Llan e.e. fod angen mwy o amser rhwng yr adeiladwyr yn gorffen ar y safle a'r staff yn symud i fewn i'r ysgol newydd.

Dywed rhan 6 o'r Cod Trefniadaeth Ysgolion 2013: "Pan fydd cynigion wedi'u cymeradwyo gan yr awdurdod lleol ... caiff y cynigwyr benderfynu gohirio cynnig, dwyn ei ddyddiad gweithredu yn ei flaen neu roi'r gorau iddo. Rhaid i unrhyw gais o'r fath am gytundeb gael ei wneud yn ysgrifenedig gan nodi rhesymau'r cynigydd yn glir. Rhaid hysbysu partïon perthnasol ... o unrhyw benderfyniad i ohirio cynnig ... cyn saith diwrnod o ddyddiad y penderfyniad hwnnw."

Cytunodd y Pwyllgor Gwaith mai dyddiad cyflawni gwreiddiol y rhybudd statudol oedd 1 Medi 2018 ond oherwydd y rhesymau restrwyd uchod, gofynnir i'r Pwyllgor Gwaith ymestyn y cyfnod am 8 mis i 1 Ebrill 2019. Yn unol â hyn, mae angen i Bwyllgor Gwaith Cyngor Sir Ynys Môn, fel cynigydd y bwriad yn y rhybudd statudol benderfynu ohirio dyddiad gweithredu'r cynnig i 1 Ebrill 2019.

Argymhellir fod y Pwyllgor Gwaith:

- i. Yn cymeradwyo oedi dyddiad gweithredu cynnig 1 i gwblhau Ysgol Santes Dwynwen i 1 Ebrill 2019.
- ii. Yn cymeradwyo oedi dyddiad gweithredu cynnig 2 i newid statws Ysgol Parc y Bont i 1 Ebrill 2019.

Yn amodol ar i. uchod, bydd swyddogion yna'n hysbysu'r "partïon perthnasol" o'r penderfyniad i ohirio dyddiad gweithredu'r cynigion ar gyfer Ysgol Santes Dwynwen, Ysgol Parc y Bont ac Ysgol Brynsiencyn.

Cefndir:

Yn ei gyfarfod ar **Hydref 19 2015**, penderfynodd y Pwyllgor Gwaith:

"Gymeradwyo opsiwn B4a fel yr opsiwn a ffefrir ar gyfer darparu addysg gynradd yn ardaloedd Bro Rhosyr a Bro Aberffraw fel y caiff ei amlinellu yn yr adroddiad, sef

- Ysgol newydd dan RW yr Eglwys yng Nghymru ar gyfer Bodorgan, Niwbwrch, Dwyran, Llangaffo
- Parc y Bont i ddod yn ysgol gymunedol a

Ffedereiddio Ysgol Brynsiencyn gydag ysgol arall.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Nid oes opsiwn arall dan sylw oherwydd nid yw cadw at yr amserlen wreiddiol a osodwyd gan y Pwyllgor Gwaith yn bosib oherwydd y rhesymau sydd wedi eu rhestru yn rhan A uchod.

C – Am ba reswm y mae hwn yn benderfyniad i'r Pwyllgor Gwaith?

Cytunwyd yr amserlen wreiddiol gan y Pwyllgor Gwaith ac felly mae tu hwnt i bwerau dirprwyedig swyddogion i newid yr amserlen.

D – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydyw

DD – A yw'r penderfyniad hwn o fewn y gyllideb a gymeradwywyd gan y Cyngor?

Ydyw – Mae'r cynlluniau yn y Rhaglen Amlinellol Strategol a gymeradwywyd gan y Pwyllgor Gwaith ar Ionawr 13, 2014.

E – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	Mae eu sylwadau wedi eu hymgorffori yn yr adroddiad.
2	Cyllid / Adran 151 (mandadol)	Mae eu sylwadau wedi eu hymgorffori yn yr adroddiad.
3	Cyfreithiol / Swyddog Monitro (mandadol)	Mae eu sylwadau wedi eu hymgorffori yn yr adroddiad.
5	Adnoddau Dynol (AD)	Ni dderbyniwyd unrhyw sylwadau.
6	Eiddo	Mae eu sylwadau wedi eu hymgorffori yn yr adroddiad.
7	Technoleg Gwybodaeth Cyfathrebu (TGCh)	Ni dderbyniwyd unrhyw sylwadau.
8	Sgriwtini	Ddim yn berthnasol
9	Aelodau Lleol	Mae'r aelodau lleol yn ymwybodol o'r oedi.
10	Unrhyw gyrrff allanol / arall/eraill	Mae Corff Llywodraethu Cysgodol Ysgol Santes Dwynwen yn ymwybodol o'r oedi.

F – Risgiau ac unrhyw gamau lliniaru (os yn berthnasol)		
1	Economaidd	Ddim yn berthnasol
2	Gwrthlodi	Ddim yn berthnasol
3	Trosedd ac Anhrefn	Ddim yn berthnasol
4	Amgylcheddol	Ddim yn berthnasol
5	Cydraddoldebau	Cwblhawyd asesiad effaith cydraddoldeb fel rhan o'r broses ymgynghori statudol ar gyfer y ddau gynllun
6	Cytundebau Canlyniad	Ddim yn berthnasol
7	Arall	Ddim yn berthnasol

FF - Atodiadau:		

G - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):		
<ol style="list-style-type: none"> 1. Cofnodion cyfarfod y Pwyllgor Gwaith ar gyfer Rhagfyr 10, 2012, Chwefror 11, 2013 a Tachwedd 3, 2014. 2. Dogfennau Ymgynghori Statudol 3. Rhaglen Amlinellol Strategol (SOP/RhAS) a gyflwynwyd i Lywodraeth Cymru yn Rhagfyr 2013. 4. Llythyr gan Lywodraeth Cymru ddyddiedig Ionawr 31 2014. 5. Gwerthusiadau Opsynau Ar Gyfer Safle i Ysgol Gynradd Newydd yn ardal Bro Rhosyr. 6. Cod Trefniadaeth Ysgolion 2013. 7. Adroddiad i'r Pwyllgor Gwaith dyddiedig 19 Medi 2016 am y gwrthwynebiad i'r Rhybudd Statudol. 		